



## POLISI PENGGUNAAN RANGKAIAN DAN PENYAMBUNGAN

Tarikh Kuatkuasa	21 Feb 2005	Pindaan		Diluluskan Oleh	_____ Naib Canselor UNISEL
------------------	-------------	---------	--	-----------------	-------------------------------

### 3.1 Tujuan Polisi

Polisi ini menghuraikan penggunaan perkhidmatan Rangkaian UNISELNet dan panduan penyambungan infrastruktur rangkaian.

### 3.2 Skop Polisi

#### 3.2.1 Perkhidmatan Rangkaian UNISELNet

Merangkumi semua sumber rangkaian, termasuk (tetapi tidak terhad kepada) peralatan rangkaian seperti 'hub', 'switches' dan 'routers', 'wireless access point', perisian rangkaian seperti email, 'browsers', dan 'ftp', konsep konfigurasi rangkaian seperti penggunaan alamat IP, dan teknologi yang diguna seperti teknologi Gigabit dan protokol TCP/IP.

#### 3.2.2 Penyambungan Rangkaian

Penyambungan adalah termasuk rangkaian setempat (LAN), rangkaian antara kampus (MAN) dan rangkaian luas (WAN).

### 3.3 Pentadbir Rangkaian

Pusat ICT UNISEL adalah Pentadbir Rangkaian. Pentadbir Rangkaian bertanggungjawab mengurus, mengawal dan menyelenggara penggunaan dan penyambungan rangkaian UNISELNet dan semua sumber yang dihubungkan.

### 3.4 Polisi Penggunaan Rangkaian

Pihak Universiti berhak menarik balik kemudahan penggunaan rangkaian UNISELNet jika pengguna didapati melanggar mana-mana peraturan yang ditetapkan seperti berikut:

- i. Kemudahan rangkaian hanya boleh digunakan untuk tujuan yang berkaitan dengan urusan UNISEL. Kegunaan peribadi, terutama yang berunsur komersial tidak dibenarkan;
- ii. Pengguna tidak boleh menggunakan UNISELNet untuk aktiviti-aktiviti yang bertentangan dengan undang-undang atau peraturan-peraturan UNISEL, negeri dan negara. Ini termasuk (tetapi tidak terhad kepada) menghantar dan menerima maklumat yang berunsur subversif dan menghantar dan menyebarkan maklumat yang rahsia atau sulit mengenai UNISEL tanpa

kebenaran Pengurusan UNISEL;

- iii. Pengguna tidak dibenarkan dalam apa bentuk sekali pun mengganggu lain-lain pengguna UNISELNet, Internet dan sebarang rangkaian yang lain termasuk tetapi (tidak terhad kepada) menghantar maklumat rambang melalui email atau mesej atas talian ('online');
- iv. Pengguna tidak boleh memberi kemudahan rangkaian termasuk (tetapi tidak terhad kepada) kemudahan nod rangkaian dan kad wayarles untuk digunakan oleh orang lain walaupun kepada pelajar atau kakitangan UNISEL tanpa mendapat kelulusan Pentadbir Rangkaian;
- v. Pengguna bertanggungjawab sepenuhnya terhadap semua aktiviti termasuk (tetapi tidak terhad kepada) stesen kerja, komputer peribadi atau PDA yang melibatkan atau melalui UNISELNet termasuk akses ke Internet dan rangkaian-rangkaian yang lain;
- vi. Mana-mana komputer yang menjadi sumber ancaman atau penyebar virus akan disekat capaiannya ke UNISELNet. Sekatan akan ditutup sehingga komputer tersebut disahkan bebas dari ancaman virus tersebut; dan
- vii. Penggunaan alamat IP di bawah domain UNISEL sama ada setempat atau global adalah mengikut peraturan yang ditetapkan oleh JPPICT, dan berada di bawah kawalan Pusat ICT. Semua penggunaan domain perlu dirujuk dan didaftarkan kepada Pusat ICT.

### **3.5 Polisi Penyambungan Rangkaian**

- i. Sebarang pemasangan rangkaian samada dihubungkan dengan UNISELNet atau tidak, perlu dilakukan dengan mengisi borang B-PICT 3/1;
- ii. Kelulusan dari Pusat ICT perlu diperolehi untuk pembelian peralatan rangkaian dan penyambungan ke UNISELNet. Konfigurasi penyambungan hendaklah dibuat oleh pembekal di bawah pengawasan dan kawalan pentadbir rangkaian Pusat ICT;
- iii. Sebarang penyambungan rangkaian ke UNISELNet yang tidak mendapat kebenaran dari Pusat ICT adalah menyalahi peraturan dan Pusat ICT berhak memutuskan penyambungan tersebut. Tindakan susulan boleh diambil ke atas pengguna atas nasihat JPPICT; dan
- iv. Penyambungan Rangkaian Antara Kampus (MAN) dan Rangkaian Luas (WAN) tidak boleh dilakukan oleh pengguna tanpa mendapat kelulusan daripada JPPICT.

### **3.6 Polisi Penyediaan Infrastruktur Rangkaian Bangunan Baru**

Setiap bangunan baru yang akan dibina perlu memasukkan keperluan infrastruktur rangkaian yang ditentukan bersama oleh pengguna, Pusat ICT dan Jabatan Pembangunan. Kos pemasangan infrastruktur rangkaian perlu dimasukkan dalam kos peruntukan pembinaan bangunan.

### **3.7 Polisi Pemberian Alamat IP**

Bagi tujuan keselamatan dan kawalan perkhidmatan rangkaian, pemberian alamat IP adalah tertakluk kepada syarat-syarat yang ditetapkan oleh Pusat ICT. Syarat-syarat

pemberian alamat adalah seperti berikut:

- i. Semua komputer server rasmi yang memberi perkhidmatan capaian dari luar UNISEL boleh mempunyai alamat IP global. Permohonan perlu dibuat kepada Pusat ICT dengan mengisi borang B-PICT 3/2;
- ii. Semua komputer server untuk kegunaan dalaman UNISEL akan diberi alamat IP dalaman; dan
- iii. Semua peralatan rangkaian akan diberi alamat IP dalaman kecuali yang dibenarkan mengguna alamat IP global oleh Pusat ICT.